



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Carminvm Iacobi Albani Ghibbesii, Poetae Lavreati Caesarei, Pars Lyrica**

**Gibbes, James Alban**

**Romae, 1668**

Ioanni Francisco Pavlo Gondio, S.R.E. Cardinali dicto De Retz. Cuius recessu ad dynastiam suam Commercium, accidisse id narrat, quod in defectione Solis vsu venit; accessu rursus frontem omnes ...

**urn:nbn:de:hbz:466:1-13378**

Parnassus valeat duplex ;  
Affecto Superum tangere verticem .

Ps. O dictum bene ! tu mihi  
Rursum sponsus eris ; neq̄ comitem abnego ;  
Seu nos vita simul tenet ,  
Seu fatum placidis transferet arcibus .

IOANNI FRANCISCO PAVLO GONDIO ,  
S. R. E. CARDINALI  
dicto DE RETZ .

*Cuius recessu ad dynastiam suam Commercium, accidisse id narrat, quod in defectione Solis usu venit; accessu rursus frontem omnes exporrigere; literatos in primis prægestire.*

O D E XII.

**C**ontractis homines fibris  
Ut stant, & volucres, ac pecudum genus ;  
Sol quandoquæ laboribus  
Immersus piceis occuluit iubar :  
Aut quantâ querimoniâ  
Depulsum Superis vidit Apollinem  
Parnassi viduus chorus  
Commutare gregi pascua regio ,  
Solantem vice barbiti  
Curas indecori mentis arundine ,  
Amphrysi prope flumina :  
Sic te , Romuleæ sidus adoreæ ,  
Omni gentis ab angulo  
Quærebat tacitum curia Gallica  
Iamdudum : nequæ fanius  
Applaudit reduci , Tentyra quàm Deo  
Inuento . Prior ordines  
Rex præcessit ouans excipientium ,  
Oblatâ facilis manu .  
Nobis, chare, tamen dic rogo vatibus ,

G

(Do-



98 IAC. ALB. GHIBBESII  
(Doctarum decus artium)

Quò, GONDI, gelidos attuleras metus  
Spreti praesidij morâ ?

Cur tam longa dabas signa ferociae ?  
At Commercium scilicet ,

Diffugisse vocas : his phaleris rudem  
Oblima populum : mihi

Prætexis placido crimina nomine :  
AEquo mortiferæ audiunt

Parcæ iure Deæ ; non aliter cadit  
Diris Eumenidum nota .

Pulchræ decipimur vocis imagine ,  
Narcisso similes nimis :

Sirenumquæ modi blandiùs enecant  
Vectores male credulos .

Quis tu cunquæ venis conditionibus ,  
Vel falli pretium est . Nouo

Lætæ flore comas Castalides premunt ,  
Indulgentquæ agiles choris ;

AEtatis memores, vt decet, aureæ ,  
Phœbo non alio datæ ,

Quamuis diuitibus perfluat Indijs .

IN ASCENSIONEM  
CHRISTI.

+

ODE XIII.

Q Vis me Pierio pectine blandior  
Delenit strepitus ? cum citharis lyræ ,  
Vocesquæ, ac tremulo murmure buccinæ  
Latè sidera personant .

Auditis ? facili ludor imagine  
Vecors ? ah, iuuenum cerno micantibus  
Alis conspicuorum æthereum globum ,  
Et Pæana canentium .

Ah, cerno medium firmate candido  
Insignem, domitæ cum spolio necis

IE-